

Paasissutissanik immersugassamut ilitsersuut

Paasissutissanik immersugassaq suli kalaallisut immersorneqarsinnaanngilaq. Taamaattumik nutsigaq una paasissutissanik immersuinissamut ilitsersuutigisatta nutsernerivaa, taanna illit atorsinnaavat immersugassamik immersuininni ikiutissatut.

Una tassaavoq sullissisunut ilitsersuut, paasissutissanut immersugassami immikkoortoq pillugu qinnuteqaateqartunit apeqquteqartoqassagaluarpas. Qinnuteqaateqartoq qinnuigineqassaaq immikkoortunik arfinilinnik immersueqqullugu. Immikkoortuni ataasiakkaani sukumiisumik allaaserineqarput qinnuteqaateqartup suut arajutsinaveersaassanera. Taamatuttaaq qinnuteqaateqartoq periarfissaqarpoq ikiutissatut allanneqarsimasut iserfiginissanut, tassani allaaserineqarpoq immikkoortumi aalajangersimasumi sunarpiaq pineqarnersoq, toorneqartussat tassaapput (?). Allanneqartup kingornani ikiutissatut allanneqarsimasut ilanngunneqarsimasut imatut ilisarnaateqarput (?)=.

Immikkoortut taakkua arfinillit tassaapput:

1. Paasissutissat ilinnut tunngasut

Uani "Paasissutissat ilinnut tunngasut" tassani qinnuteqaateqartup tulluuttut immersussavai:

- Asseq qarasaasiamiittoq ilannguguk. Qinnuteqaateqartoq imaluunniit attuumassuteqarfigisaq CPR-normumik peqanngikkuni taava ID-p assitaata saqqaa aamma tunua qarasaasiamiittoq ilanngunneqassaaq. Taanna tassaasinnaavoq assersuutigalugu pasi, biilernermut allagartaq imaluunniit nunagisami ID assitaalik.
- **Siuliaqut(?) aamma naggat**
(?) = Allamik ateqaruit taanna uani allasavat
- **Illoqarfik inunngorfigisaq(?)**
(?) = Illoqarfik inunngorfigisat illit pasinni nalunaarneqarsimasoq
- Naalagaaffik innuttaaffigisat aamma siornatigut naalagaaffik(it) innuttaaffigisaasimasut
- Inuit allattorsimaffianni najugaqarfik(it) aamma najugarisap sumiiffia(t)
- **Nunat allat najugaqarfigisimasat**
Nunat allat najugaqarfigisimasat tassaapput – soorlu quppernermi takuneqarsinnaasut – nunami allami Danmarkimiunngitsoq najugaqarfigisimasaaq sulinngiffeqarnermi tassaniissimanngikkaanni.
 - **Najugaqarfigisap sumiiffia(?)**
(?) = Najugarisap sumiiffia sumiiffik tassaavoq, sulillutit sumiiffigisimasat, ilinniarfigisimasat assigisaaluunniit, soorlu

assersuutigalugu suliffeqarfik imaluunniit ilinniartigisimasaq.
Najugaqarfigisatut aammattaaq tamanna nalunaarsinnaavat.

- **Sumiiffik najugaqarfigisaq(?)**
(?) = Najugaqarfigisaq tamakkerlugu allaguk aqquserngup aqqa, postnormu, nunap immikkoortua il.il.
- Paasissutissanut ilinnut tunngasunut oqaaseqaatit

2. Akiitsut

Uani "Akiitsut" tassani qinnuteqaateqartup tulluuttut immersussavai:

- Oqartussaasunut akiitsunut aammattaaq akiligassarititanut ilaapput soorlu assersuutigalugit, ilinniagaqarnersiutit (SU), pillaatitut akiligassat, eqqartuussivinnut akiligassat il.il.
 - **Taakkunannga sumiginnakkat(?)**
(?) = Akiitsuit ilaat, tassa illit akilersuinissamut pisussaaffinnik eqqortitsisimanak
- Akiitsoqarfiit allat tassani ilaapput soorlu assersuutigalugit aningaaseriviit, suliffeqarfiit aningaasaliisartut, inuit allat il.il.
 - **Taakkunannga sumiginnakkat(?)**
(?) = Akiitsuit ilaat, tassa illit akilersuinissamut pisussaaffinnik eqqortitsisimanak

Paasissutissanut immersugassami qinnuteqaateqartoq imaluunniit attuumassuteqarfigisaq CPR-normumik peqanngikkuni taava taassuma immersussavai Realkredit/aningaaserivik aamma Suliffeqarfik taarsigassarsititsisartoq alla.

Realkredit/aningaaserivik tassaapput illumut taarsigassarsiat, biilnut taarsigassarsiat, inuuniarnermi taarsigassarsiat, tassani taarsigassarsianut qularnaveeqqusiisoqarluni.

- **Taakkunannga sumiginnakkat(?)**
(?) = Akiitsuit ilaat, tassa illit akilersuinissamut pisussaaffinnik eqqortitsisimanak
- Akiitsoqarfinnut allanut ilaapput kviklån, sms-lån, kontukortit ilaalu ilanngullugit, tassani taarsigassarsianut qularnaveeqqusiisoqarnani.
 - **Taakkunannga sumiginnakkat(?)**
(?) = Akiitsuit ilaat, tassa illit akilersuinissamut pisussaaffinnik eqqortitsisimanak
- Akiliisinnaassuseqarneq
Qinnuteqaateqartup ilisimatitsissutigissavaa nammineq soorlu assersuutigalugu Experian (RKI-nalunaarsuiffimmi) nalunaarneqarsimanerluni, tassa imaappoq qinnuteqaateqartoq akiligassaminik akiliisanngitsutut nalunaarneqarsimanerluni.

- Oqaaseqaatit aningaasaqarnermut tunngasut

3. Suliffeqarneq aamma ilinniagaqarneq

Uani "Suliffeqarneq aamma ilinniagaqarneq" tassani qinnuteqaateqartup tulluuttut immersussavai:

- Ukiuni kingullerni qulini suliffeqarneq
Qinnuteqaateqartup mianerissavaa ukiut malillugit tulleriiaarinissaq, aamma periarfissaanngilaq piffissami ukiut qulit pineqartut iluanni qaangiinissaq.
 - **CVR(?)**
(?) = Danmarkimi suliffeqarfiit tamarmik CVR-normumik peqarput. Suliffeqarfiup suliffigisimasavit CVR normua akissarsiavit allagartaani, ukiumoortumik immersukkami, suliffeqarfiup nittartagaani imaluunniit uani cvr.dk nassaarisinnaavat
 - **E-mailikkut allagarsisarfik(?)**
(?) = E-mailikkut allagarsisarfiit peqaruit allaguk
 - **Telefonivit normua attaveqarfissaq(?)**
(?) = Telefonivit normua allaguk
- Suliffeqarsimaneq pillugu oqaaseqaatit

4. Attuumassuteqarfigineqartut

PET-mit qinnuteqaateqartup misissuiffigineqarneranut aammattaaq ilaapput qinnuteqaateqartup attuumassuteqarfigisai attuumassutillit. Oqariaatsimi Attuumassuteqarfigineqartut ilaapput katissimallugit aapparizat, katissimanngikkaluarlugit inooqatigisai, najugaqatiginagit aapparizat, inersimasut allat najugaqatigisat, qitornat 18-it sinnerlugit ukiullit angerlarsimaffimmi najugaqartut.

Attuumassuteqarfigineqartut qinnuteqaateqartutulli paasissutissanik immersuissapput aamma misissuinnermut akuersissapput, digital post aqutigalugu taanna taakkununga nassiunneqassaaq ingerlaqqiffilerlugu [link]. Inuit taakkua qinnuteqaateqartup najugaqarfiani nalunaarsorneqarsimasut immikkut saqqummissapput, qinnuteqaateqartup immersugaani qanoq attuumassuteqarnermut aamma inuk pillugu paasissutissanik. Qinnuteqaateqartup inuk imaluunniit inuit arlallit ilisarimanngikkunigit, taava qinnuteqaateqartoq periarfissaqarpoq tamanna nalunaaqutsissallugu.

Aalajangersimasumik aapparizat najugaqatigineqanngitsut imaluunniit attuumassuteqarfigineqartoq CPR-normumik peqanngippat taava immikkoortoq ilanngunneqassaaq aamma qinnuteqaateqartumit immersorneqarluni. Takuneqarsinnaavoq una "Vejledning til relation uden CPR-nummer", taanna uani <http://pet.dk/beskyt-din-organisation/psu-portal> nassaarisinnaavat

5. Nunanut allanut attuumassuteqarneq

Qinnuteqaateqartoq aperineqassaaq pineqartoq inunnut, oqartussaasunut imaluunniit suleqatigiinnut attaveqartarsimanersoq/attaveqarnerersoq Ruslandimut, Belarusimut, Kinamut, **Nordkoreamut?** imaluunniit Iranimut atassuteqartunut. Qinnuteqaateqartup taamatuttaaq ilisimatitsissutigissavaa pineqartup nunanit siuliani taaneqartunit aningaasanik pissarsisimanerluni/pissarsisarnerluni.

- **Illit inuttut attaveqarpit imaluunniit attaveqarsimavit piffissami sivilisunerusumi inummut (nnut) arlalinnut Ruslandimut, Belarusimut, Kinamut, Nordkoreamut imaluunniit Iranimut innuttaassuseqartumut imaluunniit attuumassuteqartumut? (?)**

(?) = Inuttut qanimut attuumassuteqarneq imatut paasineqassaaq illit akuttunngitsumik inummut attaveqateqartartutit; soorlu assersuutigalugu, naapitsilluni ataatsimiilluni, oqaloqatigiilluni imaluunniit mailikkut allaqatigiinnikkut. Kipparissumi allaffissami allaaseriuk inummut qanoq attuumassuteqarnerlutit, pineqartoq qanoq ilisarisimanerlugu, pineqartoq qanoq ilisarisimalersimanerlugu, qanoq akulikitsigisumik attaveqartarnerlusi assigisaallu. Nunani allani arlalinnik attuumassuteqarfeqaruit taava attuumassuteqarfigisatit pingaarnerit 1-2 allaaserikkut, aqqi, atorfi aamma attaveqarnissamut paasissutissat allat ilanngullugit, soorlu assersuutigalugit, najugaqarfiat, mailikkut allagarsiffigisartakkat aamma oqarasuaatip normua. Nalorniguit taamaakkaluartoq qinnuigissavatsigit apeqqut sapinngisamik pitsaanerpaamik akissuteqarfigeqqullugu.

- **Aningaasanik imaluunniit aningaasaqarnikkut iluaqutissanik assingusunik pissarsisarpit imaluunniit pissarsisarsimavit, pisortat oqartussaasuinit imaluunniit oqartussaasut/namminersortut suliffeqarfiinit nunanit ukuninnga Rusland, Belarus, Kina, Nordkorea imaluunniit Iran?**

(?) = Akissarsianik, honorarinik, ajunngitsorsianik, stipendianik imaluunniit ilisimatusarnermut tapisianik pissarsiaqarsimaguit, tunissutisianik pingaaruteqartunik imaluunniit assigisaannik naalagaaffinnit allanit imaluunniit suliffeqarfinnit tunineqarsimaguit, naalagaaffinnit allanit aningaasalersorneqartunit taava kipparissumi allaffissami allaaserissavat, sooq aningaasat pissarsiarisimanerlugit, qanoq amerlatiginerat/amerlatigisimanerat aamma qanoq akiliineq pisimanersoq. Nalorniguit taamaakkaluartoq qinnuigissavatsigit apeqqut sapinngisamik pitsaanerpaamik akissuteqarfigeqqullugu.

6. Oqaaseqaatit tulluartut

Qinnuteqaateqartoq oqaaseqaateqarnissaminut imaluunniit paasissutissamik tulluartumik ilanngussinissaminut periarfissaqarpoq, isumannaatsuuneq pillugu misissuineranut pingaaruteqarsinnaasumik. Qinnuteqaateqartoq immersugassamik immersuineranut tunngasunik tassani apeqquteqaqqusaanngilaq; qinnuteqaateqartoq paasissutissanut tunniunneqartussanut apeqquteqarniaruni, tamakkua paasineqareersimassapput immersukkap naammassineqannginnerani.

Immersugassap naanera qinnuteqaateqartoq piumaffigineqassaaq akuersissuteqarnissaq atuaqqullugu aamma akuersissutip tunniunnera uppasaqqullugu. Qinnuteqaateqartoq aammattaaq piumaffigineqassaaq nipangiussisussaataitaneranut aalajangersakkat

atuaqqullugit, kiisalu tamanna uppersarsassagaat. Maluginiarneqassaaq qinnuteqaateqartoq akuersissummik tunniussisinnaangimmat pineqartumit allassimasut atuarneqaqqaartinnagit.